



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2010. Herzog Bogislav von Pommern zeigt dem Kurfürsten Ernst von
Sachsen an, sich mit dem Kurfürsten von Brandenburg friedlich vertragen
zu haben, vom 27. Juni 1479.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

vorgenante lannd mit allen iren Regalien, herlichkeiten vnd zugehorungen Sol der vorgeant vnnszer herre vnd Oheim Marggraue Albrecht als ein Marggraue zu Brandenburg, kurfurste vnd lehenherr vnnszer Oheim vnd Swager Herczog Buxlauffen zu lehen leihen mit hand vnd mit munde vnd jm die leihen als ein lehenherr seinem lehensfurste leihen soll, Vnd er die als ein lehensfurste von ym als seinem lehenhern empfahe soll, als auch mit leihung vnd empfang jn vnser gegenwertigkeit gescheen ist. Vnd der gnant vnnszer Oheim vnd Swager Herczog Buxlauff hat auch darauff alsbald seiner liebe lehenspflicht gethan als recht ist, Vnd sich des alles schuldig zu sein verpflichtet, Als ein getrewer lehensfurst vnd mann seinem lehenhern von lehenswegen vnd durch lehenspflicht zuthund schuldig vnd pflichtig ist, alles getrewlich vnd ane geuerde etc. Derselb Hertzog Buxlauff hat sich auch zu vnns verschrieben vnd gethan mit allen seinen landen wider menniglich, Vnd wir haben vnns dagegen gehalten, wie vns geburt, Als wir dem Bebtlichen stul, der keiserlichen Maiestat, ewer aller lieben von Sachfzen vnd Hefzen verwandt sind. Es was vnzweuelich durch gotes verhencknus aufgericht wie wir begert hetten vnd wolten die loblichen Richtunge, der er sich erbote, zusamt verschreibunge vnd pflicht die wir funden, an Rat vnnszer prelaten, hern, Mannen vnd Steten nicht abflahe vnd liezen vnns die settigen. Das wollen wir ewer liebe jn fruntlicher meynung vnuerkundet nicht laszenn. Widerbieten euch auch hirmit schickunge ewers zewgs mit erbietunge gegen ewer liebe vnd ewerm Bruder, vnnszerm lieben Swager Herczog Albrechten gar freuntlich zu uerdienen vnd jn mererm vnderstehen zu uergleichen. Datum jn vnnszer Stat Prennczlaw, am Sonntag nach Johannis Baptiste, Anno etc. LXXIX. Dem hochgebornnen fursten vnnszerm lieben Swager, Hern Ernsten,

Hertzogen zu Sachfzen etc. vnd Curfurste.

Erste Beilage: Wir werden auch mit vnnszerm herrn Oheim vnd Swager von Magdeburg jn der alten mark zu Hauften kommen, wollen wir fleis ankeren dieselben ding auch hinzulegen. Datum ut supra.

Zweite Beilage: Auch bitten wir, ewer liebe wolle vns bestewern mit zweyen vesthen hafzwinden, zweyen starcken hetzwinden vnd zweyen guten Jaghunden vnd schikken, das die vff Sonntag vor Laurencii zu Culmach sein, dann wir alle vnnszer falcken vnd hunde hinwegk geben haben, do wir von franken herein zugen. Das wollen wir freuntlich vmb ewer liebe verdienen. Datum ut supra.

Aus dem Königl. Sächsisch. Ges. Archive in Dresden.

2010. Herzog Bogislaw von Pommern zeigt dem Kurfürsten Ernst von Sachsen an, sich mit dem Kurfürsten von Brandenburg friedlich vertragen zu haben, vom 27. Juni 1479.

Bugslaff, van goods gnaden to Stettin, Pomern, Cassuben, der wende hertoge, forste to Rugen vnd greue to guczkoue etc. Vnns fruntlike denft vnd wes

wy gudes vermoghen touorn. Hochgebornne forste, leue herè vnd ohm. Juwer leuen lateste scriuet an vnz hebbe wy wol vernamen. Also Juwe leue scrift vnder roreth, dat wy vnz Jegen vnser Swagher margreue Albrechte richten mochten, So saghe wy Juwer leue to wetende, dat wy vnz mit em gutliken vordraghen hebben, to ener vullen-kamenen vorrichtinghe: vnd konde wy Juwer leuen wor anders mith to willen werden, deden wy gherne, Jodoch schal Juwe leue vnd Juwe leue broder vnser ohm vnder ande vnser hern vnd frunde alleweghe Jegen enen Iderman rechtes ouer vnz mechtig wegen. Godt almchtig friste vnd spar Juwe leue to langen tiden fundt. Datum prentzlow, am sundaghe vor petri et pauli apostolorum vnder vnsem Ingeszegel, Anno LXXIX. Dem Irluchteden, hochgebornen forsten vnd hern, hern Ernste, hertogen to Sassen etc. korfursten etc. vnsem leuen hern vnd Ohemen.

Aus dem Königl. Sächsisch. Geh. Archive in Dresden.

2011. Ernst, Postulat zu Magdeburg, bevollmächtigt einige Domherren und Räte zur Unterhandlung mit dem Kurfürsten Albrecht wegen der Unterdrückung von Räubereien, am 24. Juli 1479.

Wir Ernst, vonn gots gnadenn Postulirter zu Erczbischove zu Magdeburg etc. herczoge zu Sachsen, Lantgraue in doringen vnd Margraue zu Miffen, Bekennen vffstlich mit diesem briue fur ydermenniglich. Nachdem dann durch den hochgebornen fursten, herren Albrechten, Marggrauen zu Brandenburg etc. vnsern lieben hern ohmen vnd Swager zewuschen seyner liebe vnd vns eyn tag vff Mitnewochen nach sente Jacoffstag schirftkomende gein Tangirmunde surgenommen ist zu handeln, domitte wir pleckerey vnd Rowberey vsz vnd in vnsern landen an beiden teilen furder entladen bleiben, das wir den wirdigen vnd gestrengen ern Mauricien von Schonow doctur, ern ludewigen von velthem Thumherren vnser kirchen zu Magdeburg, Apeln von Tetow vnd ludolffen von velthem, vnsern lieben Andechtigen Reten vnd getruwen, zu sollichem tage vnd handel vnsern fullen gewalt vnd macht gegeben haben vnd Gebin in vnsern Gewalt vnd macht also geinwertiglich in crafft diesses briues, Also was durch sie in dem von vnsern wegen mit dem gnanten vnsern lieben herrn ohmen vnd Swager Margraue Albrechten gethan, gehandelt, surgenommen vnd beslossen wirdet, das das also vnsern halben gehalten vnd dem nachgegangen vnd folge gethan werden soll vngeuerlich. Zu orkunde mit vnserm zu rucke vffgedrucktem Ingesigel verfigelt vnd Gebin zu Gebinchinfteyn, am Sonnabinde nach Marie Magdalene, anno domini etc. Septuagesimo nono.

Nach dem Copialbuche des Markgrafen Johann.